

彊

識

畧

彊識畧二十一卷

崇陽吳楚材國賢編

龔衍君國銓校

人倫部

鼻祖 方言始祖也獸之初生謂之鼻人之初生謂之首梁益謂鼻爲祖或謂之鼻祖釋名祖祚也祚先也曲禮王父母又始也應劭曰始取天下者爲祖高帝稱高祖是也又云本乎祖

父母 嚴君見易慈闈見世說怙恃見詩風木三釜

見韓詩外傳菽水溫清見禮萊綵見列女傳

說文父矩

也家長率教者又音甫尚父仲父以父事之也造父慶父以字配父也母者乳也稟也嬰兒所慕也

易乾為父坤為母父以陽爻母以女字中兩點象人之兩乳形又考妣古者通以為生死之稱後世父母亡則稱考妣考壽考妣之言比也

父子 幹蠱見易肯堂見書世稱曰橋梓見世說伯

禽康叔問商子見南山之陽有木名橋高而仰南

山之陰有木名梓實而俯曰橋者父道梓者子道

也又靈椿一株老丹桂五枝芳見馮道詩子能承

父曰有父風過於父曰老蚌生珠曰撞破煙樓即

今跨竈之說

漢魏以前人子稱父則直曰父若為文言則曰大人後世轉其音曰爺曰

爹雖宮禁亦同改竇懷正為國爺又朱耶拔蕩又唐韻爹讀若遮羌人呼父也見演繁露

諸父

父之兄弟先生為世父後生為叔父又伯父

伯長也又把也把持家政也父弟爲仲仲中也位在中也仲父之弟曰叔父叔少也叔父之弟曰季季癸也甲乙之次季在下也總名之曰諸父又父之從祖昆弟爲族父

母子 壽母 諼堂將母見詩斷機倚門伏劍截髮刻

木集烏見史板輿見潘岳閑居賦太夫人在堂有

羸老之疾尚何能違膝下色養而屑屑從斗筲之

役乎儀禮繼母如母孝子不敢殊傳云繼母同母也配父之尊皆

如親母爾雅父之兄妻爲世母又謂之伯母父之弟妻爲叔母見羊祐薛播事本生母見朱壽昌蔡

延慶事庶母見周顗母紹秀事左傳申伯之母不聘穆姜曰吾不以妾爲姒也慈母傳曰妾之無子

者父命妻曰女以為子妾子之無母者父命子曰
女以為母若是則養之終其身喪必三年如母貴
父之命也又謂之保母見東坡墓銘又出母無服
自子思始也又乳母即古之姆女師鄭康成曰婦
人五十無子出不復嫁以婦道教人若今之乳母
也輟耕錄娘字俗書也古作孌今為婦女通稱苗
人謂妻曰夫娘

子 嗣也息也又男子之通稱又成德謂之君子嬰

兒謂之赤子顏師古曰子者人之嘉稱左傳注卿

子卿之庶
子曰餘子

孫 子之子為孫孫之子為曾孫曾孫之子為玄孫

玄孫之子為來孫來孫之子為晁孫晁孫之子為

仍孫仍孫之子為雲孫言輕遠如浮雲也又耳孫

應劭曰元孫之子也言其去高曾益遠但耳聞之也女之子曰外孫

兄弟 亦作昆弟男子先生爲兄後生爲弟釋名凶荒也荒大也弟弟也相次第而生也漢書兄弟敵吾一體一肢謂同父母也又爾雅先生爲弟後生爲弟弟兄也懿親見左傳棠棣見詩鴈行見禮唐人兩姨之子相謂爲外昆弟姑舅之子相謂爲內昆弟魏志舅子稱姑之子爲外兄弟姑子稱舅之子爲內兄弟杜預同母異父亦稱外兄弟兄弟不睦謂之鬩牆謂之不義齊名謂之難兄難弟見馬

氏五常賈彪三鳳卞壺六龍荀爽崔珙八龍王勃

三珠陸晞雙壁晉謝氏允彥秀者稱封胡羯末封

謂謝韶胡謂謝朗竭謂謝玄末謂謝川皆其小字

也皆貴有大馮君野王小馮君立有棠棣碑賈敦實

桐木韓家韓子華其家呼為三相從兄弟有河東

三鳳薛元敬與從兄弟牧又孔子兄事子產季心

兄事袁滋弟畜灌夫張湯兄事趙禹關張劉備謂

義兄弟

姪 檀弓兄弟之子猶子也蓋引而進之姪對姑而

言猶子云如夫子謂回也若以姪為猶子則亦可

以先生為猶父矣

漢人謂之從子却得其正蓋叔伯皆從父也見朱子語錄今世

人稱叔姪曰竹林蓋起于阮咸與叔籍為竹林之遊甚無謂

姊妹

姊亦曰女娣儀禮房中內賓姑姊妹也爾雅

男子謂女子先生為姊後生為妹

嫂叔

釋名嫂嫂也老稱也叔少也幼者稱也兄之

妻為嫂弟之妻為婦儀禮嫂尊嚴之稱漢書注亡

婿為丘嫂

丘空也兄亡獨有嫂也或云丘大也長嫂稱也當以此為正漢高祖封丘嫂之

子為美顏侯又嫂呼叔為小郎

姊妹

爾雅長婦謂稚婦為娣婦娣婦謂長婦為姊

婦今或云妯娌世皆疑娣姊之名皆以兄妻呼弟

婦為娣弟妻呼兄妻為姒公羊傳曰娣者何弟也

是以其弟解娣自然以長解姒長謂身之年長非

夫之年長也左傳穆姜謂声伯之母為姒叔向之

之妻為姒豈計夫之長幼乎出子同出謂俱嫁事一夫也事一夫

如後生為娣鄭云同出謂俱嫁事一夫也事一夫

者以已先生為姒後生為娣則知娣姒以已之年

非夫之年也

姑 釋名故也言於已為久故之人也爾雅父之娣

之娣姒為王姑曾祖王父之娣姒為曾祖王姑父

之從娣姒為從姑父之從父娣姒為從祖祖父之

從祖娣姒為族祖姑

姨 爾雅母之姊妹曰姨妻之姊妹同出亦曰姨世

稱小姨從母之男子為從母兄弟其女子為從母

姊妹又詩云邢侯之姨譚公維私爾雅姊妹之夫
為私

女處女室子也未嫁為女既嫁為婦一云處子列

女傳古者生女三日卧之床下弄之瓦磚而齋告

明其習勞主執勤也齋告先君明當繼主祭祀也

禮女子生設輓于門右輓佩巾也能言教之革絲

女有四行一曰婦德二曰婦言三曰婦容四曰婦

功婦德不必才明絕異也婦言不必辯言利辭也

婦容不必顏色美麗也婦功不必功巧過人也清

閑貞靜守節整齊行已有耻動靜有法是謂婦德
擇辭而說不道惡語時然後言不厭於人是謂婦
言溫浣塵穢服飾鮮潔沐浴以時身不垢辱是謂
婦容專心紡績不好戲笑潔齊酒食以奉賓客是
謂婦功此四者女之大德也按班昭女誡七篇
一卑弱二夫婦三教慎四婦
行五專心六曲從七和叔妹

公姑 釋名舅父也父老之稱也姑言是也爾雅婦

稱夫之父曰舅夫之母曰姑在則曰君舅君姑沒

則曰先舅先姑又曰公曰婁內則婦事舅姑如事

父母

類師古曰尊章猶言尊姑也見廣川王傳又杜詩何以拜姑嫜翁猶父也方言周晉秦隴

稱父曰翁稱妻母為外姑

子婦 婦妻也子妻亦曰婦婦之言服也言服事於

夫也女子已嫁曰婦人妻父曰婦翁內則子不宜

其妻父母曰是善事我子婦無私貨無私蓄無私

器不敢私假不敢私與家事統於尊也

又婦好也荀子其容

婦又婦人謂夫為即即猶言良人也

夫妻

夫丈夫也妻齊也與已齊也釋名匹敵之義

也士庶人曰妻夫賤不足以尊稱故齊等言也禮

記天子之妃曰后諸侯曰夫人大夫曰孺人士曰

婦人庶人曰妻儀禮夫婦一體列女傳惟夫妻爲

同庖易基乾坤詩首關雎婦人從人者也幼從父

兄嫁從夫夫死從子故婦人無爵從夫之爵坐以

夫之齒見禮記冀缺夫妻相敬如賓又伉儷伉敵

也儷偶也古樂府藁砧夫也糟糠妻也夫人謂之

內子東方朔謂之細君猶言小君也許敬宗嬖其

婢因以繼室假姓虞見六帖出妻曰仳離見詩傳

怨耦曰仇家語婦有七出不順父母者無子者淫
辟者嫉妬者惡疾者多口舌者竊盜者三不去謂
有所取無所歸也與共三年之喪也先貧賤後富
貴也寡妻曰孀婦淮南子以養孤孀又發婦見六
帖婦人喪夫自稱未亡人詩莊姜稱寡人夏姬內
俠伎術老而復壯者三三為皇后七為夫人九為
寡婦曾參喪妻不更娶曰以華元善也潘岳誄楊
仲武曰德宮之喪謂喪也德宮里名妻喪于其
里見六帖漆室緹縈烈女也及為婦則無聞伯宗
梁鴻之妻哲婦也及為母則無聞文伯孟氏之親
賢母也為女為婦時亦無聞見白樂天集又古之
烈婦毀面割耳剔目斷髮以全其身又若栢舟之
節守義之男子又孔父之妻美而艷西子王顏南
威國色是謂美妻無塩宿瘤齊之醜女孟光貌極
醜而肥力舉石曰戰國策婦人所以事夫者色也
而妬者其情也又以色曰妬以行曰忌

婢妾

方言男而壻婢謂之臧女而婦奴謂之獲荊

楚海岱之間四馬奴曰臧罵婢曰獲燕齊亡奴謂之

臧亡婢謂之獲漢曰取貨謂之臧答得謂之獲皆

謂有罪為奴婢者周禮其奴婢男子入于罪隸女

子入于春藁今通謂僕隸為奴又說文女之卑者

从女卑禮記自稱曰婢子注婢之卑也聘則妻奔

有禮而往焉以得接見于君子也卜姓當夕俱見

禮拾遺記石崇妾名朔風色衰退為房老

姬妾古諸侯一娶而九女從二國媵之謂之媵妾

又非婢妾論也喪服小記士妾有子而為之總無

子則已今制不然齊侯多內寵如夫人者六人

又側室見左傳專房箕箒見漢書王禁旁妻枚乘

小妻王導幸妾石崇愛姬豈惟炊爨之勞抑亦巾

箱之寵見六帖余襦見詩

女妓 娼倡優女樂也見說文營妓古以待軍士之

無妻者刺繡綾不如倚市門見貨殖傳肉聲國色

書仙愛卿紅拂女肆東山校書叅禪並見類聚合

璧效即官婢也見較耕錄

奴僕 古制本無奴婢即犯事者或原之臧者被賊

罪没入為官奴婢獲者逃亡獲得為奴婢也見風

俗通周禮奚三百人又厮役監奴孟東便了奉壹

鄭玄注曰古者從坐男女没入縣官曰奴婢其少

才智者以為奚今時侍史官婢是也婢亦曰女奴
漢名奴為蒼頭非純黑以別於良人也諸給事
中所居為廬蒼頭侍從因呼廬兒見鮑宣傳注秦

伯紀綱之僕太
史公牛馬走

宗族 堯典疏上至高祖下至玄孫為九族夏侯歐

歐等以為九族者父族四母族三妻族二又宗尊

也衆也本也顏師古曰祖始也始受命也宗尊也

有德可宗也又流派所出為宗古有大宗小宗侯

錄云宗葉宗本也葉
世也謂族類繁盛也

閼閼 說文自序也史記古人之功有三以德以言

以功明其等曰閼積其功曰閼又門在左曰閼在

右曰閼王制諸侯世子世國注象賢也選舉志朝

廷顯官須公卿子弟為之何者少習其業日熟朝

廷臺閣之儀不教而自成寒士縱有出人之材固不能聞習也

世家 世篤忠貞見書世濟其美見史記世祿世臣

見孟子 世為公卿見禮記又七葉珥貂門十朱輪見史又四世五世公卿見史 國朝世家

詳見 皇明盛事

師 釋名古者稱師曰先生法言師者人之模範也

左傳民生在三事之如一函杖見禮記凡講問席

間函杖函容也容杖足以指畫今人誤為函丈孔

子喪門人疑所服 子貢曰夫子喪類回若喪子而無服喪子路亦然請喪夫子若

喪父而無服 國朝不制師服惟殿受業師加凡人二等巫醫百工之師以凡人論

朋友

公羊傳同門曰朋同志曰友盍簪斷金見易

合志同方見禮忘年莫逆見史蕭朱結綬王貢彈

冠伯牙絕絃郢人運斤子高抗手楊政把臂廉頗

藺相如張耳陳餘俱爲刎頸交漢王韓信爲金石

交何顥蕃膺表紹結奔走交謝瞻范秦爲雲霞交

馬援公孫述如平生歡雷義陳重堅如膠漆山濤

阮籍稽康契若金蘭嵇康阮籍神交管鮑僑子札

季傾蓋程賃春穆公決縞帶紵衣季札見子產如舊相識與之縞帶子

市交面交見史有面交如携手見利則解

携而去見顏竟誌文翻雲覆雨見杜詩朱穆著絕

交論劉孝標廣絕交論

按說文朋古鳳字飛群鳥從以萬數故借以爲朋黨

字字本作翮象鳳飛之形隸變作朋非月非月故斜書之友有相佐佑之義又與人相善曰友善又善兄弟爲友交共也合也交加參錯也

故舊、踦屨見賈子箸簪見外傳伍舉班荆注班布

也布荆坐地共議故舊須賈綈袍朱買臣紈扇見史

通家 孔融十歲聞漢中李膺清節直亮慕之欲往

觀其人門下不爲通融曰我是公通家子孫膺見問之曰先君孔子與老君有師資之道故僕與君亦累世通家也

父執 曲禮見父之執不謂之進不敢進不謂之退不敢退不問不敢對又父黨父友

命字 禮子生三日而名既冠而字康叔之字始見康誥孔子弟子皆尊其師而名仲尼呂后微時嘗字高祖爲季祖祖稱張良亦呼子房爰種字其叔父曰繇魏晉而下皆不諱字延及于唐皆以字行若晉謝安字安石唐姚崇字崇之字名俱同而長卿慕相如顧元歎慕蔡邕後漢朱張字孫卿許暹字頽回亦鄙才也

稱呼 稱者稱也稱量彼己之輕重而爲之言也有

相稱者有自稱者有稱諸人及人稱之者俱見論
語邦君章君稱臣唐虞三代皆汝某秦漢以下皆
曰卿臣稱君則唐虞帝三代王秦漢以下陛下其
自稱唐虞三代君臣皆通稱朕或稱台或稱予秦
漢而下惟君獨稱朕臣稱臣某至稱諸人及人稱
之唐虞亦曰帝秦漢以下曰皇帝曰天子曰聖上
曰主上稱於君前曰臣某危言云稱謂之際猶未
大相懸避也馬援釀酒
享士皆伏稱萬歲姚期叱門者曰輝武帝詔山濤
曰山太常雖居諒闇謝鯤言瑞拱廟堂薛宣自言
垂拱蒙成蔡邕楊賜碑統大麓之重潘尼贈盧景
宣九五思飛龍孫楚王驃騎誄奄忽登遐陸機父
誄億兆宅心敦叙百揆姊誄云侃天之和晉曹攄
一縣皆稱曰聖君司馬相如傳臨邛令日往朝相

如總相傳帶劔奏事霍光傳鳴鳴殿前樹上黃霸
郡國上計吏長史一輩先上殿自六代而後則無
之矣宋孝武裁損諸王制度其禁始嚴見江夏王
義恭傳

閣下

漢制三公與天子禮數相亞故黃其閣示謙

不敢斥尊語錄曰古者三公開閣而郡守比古諸
侯亦有閣故有閣下之稱酉陽雜俎曰秦漢以來
將言麾下使者言節下轅下二千石長史言閣下
執事前輩與大官書多呼執事與足下劉子玄與
宰相書曰足下韓退之與張僕射書曰執事即其
例也惟下執事則指左右之人尊卑皆可通稱東
坡云凡人相與號呼者貴之則曰公賢之則曰君

其下則爾汝之

君公 王衍不與庾數交數卿之不置衍曰君不得
爲耳數曰卿自君我我自卿卿又何偃路中遥呼
延之曰顏公荅曰身非三公又非田舍公又非君
家阿公何以見呼爲公又侯霸子孫稱其祖父曰
家公陳思王稱其父曰家父母曰家母潘尼稱祖
曰家祖顏氏家訓云古人祖及兩親無云家者以
尊於父不敢家也凡言姑姊妹女子已嫁
則以夫氏稱之在室則以次第稱之言禮成他族
不得云家也子孫不得稱家者輕畧之也蔡邕書
集呼其姑女爲家姑家姊妹班固書集亦云家孫今
並不行也

足下

異苑曰晉介子推逃祿抱樹燒死文公拊木

哀嗟伐而製履每懷其功俯視履曰悲乎足下足

下之稱當緣此爾

史記戰國之士或上書時君或談說君前及相與論難多相斥

曰足下蓋自晉國相承至今也

下官

通典宋孝武帝多猜忌諸國吏人于本國君

不得稱臣宜云下官是本爲王國避臣之稱而今人咸以自謂也

僕

宋劉凝之隱居南郡臨川王義慶遣使存問答

書稱僕戴顓與衡陽王書亦稱僕司馬遷稱太史公牛馬走注云走猶僕也謙言爲太史公掌牛馬之僕

漢 蘇氏演義曰今俗罵人曰漢蓋晉末胡亂中原
故胡人罵中國曰漢兒南人罵北人爲胡爲虜華
夏自古有國號者至多獨以漢名取兩漢盛者也
賤丈夫曰漢子見北齊文宣帝怒魏愷

府君 朱子語錄曰府君夫人漢人碑已有之只是
尊神之辭府君如官府之君或謂之明府今人亦
呼父爲家府

翁婿 爾雅女之夫爲婿婿之父爲姻妻父爲外舅
母爲外姑陳後主謂之婦翁今人呼爲令岳伯叔
父爲列岳以青城山爲五岳長名丈人山而泰山

有丈人峯也俗呼爲岳丈而呼妻母爲泰水何義

耶壻謂東床盖用王羲之坦腹事

史記東洛間謂壻爲倩淳于髡

齊之贅婿蘇秦少婿趙王子壻虞舜館甥劉禹錫半子同門爲僚壻兩婿相謂爲姪姊妹之夫曰私

又曰兄弟見孟子

舅甥 爾雅母之舅第爲舅母之從父舅第爲從舅

男子謂姊妹之子爲出謂我舅者吾謂之甥釋名

姊妹之子曰甥出配他男而生也左傳註姊妹之

孫謂從孫甥

外孫 爾雅母之考爲外父母之妣爲外母女子之

子爲外孫又謂之外祖父母又宅相見魏舒事舒

字陽元故梁隆僊少爲外祖張岱所異謂諸子曰
此汝家陽元也

名諱

姓人所生也黃帝吹律以定姓見易類謀又

大傳云名者人治之大也又字者飾也生曰名死

曰諱漢時不然西岳廟碑云樊君諱毅毅時在也

周人以諱事神卒哭乃諱禮不諱嫌名二名不偏

諱逮事父母則諱王父母君所無私諱大夫之所

有公諱詩書不諱臨文不諱廟中不諱婦諱不出

門大功小功不諱韓愈有諱辨朱熹有諱論

演繁露云

司馬遷父名談故袁盎傳同子驂乘避談書曰

林宗名泰范曄父名泰乃改林宗名爲太孔

晚允孔安國所注悉言孔君杜佑通典杜預事悉
曰杜君皆非臨文不諱之義也漢書竄名謂廁者
也本無名而私寘其
中今云列名更佳

家學 六經以前無聞始見於周公抗伯禽孔子訓
伯魚吳祐世不乏季子荀氏里稱高陽梁丘賀之
易伏氏之書常氏之詩左氏春秋慶氏戴氏之禮
班氏司馬氏之史

家訓 周公抗世子法於伯禽訓家之道所由起也
北齊顏之推作顏氏家訓王通亦有王氏家訓
報恩 左傳子西曰勝如卵余翼而張之今人言卵
翼之恩本此趙簡子謂陽虎曰惟賢者爲能報恩

不肖者不能矣。植桃李者，夏得休息，秋得其實，植
蒺藜者，不然，反得其刺。後世以所荐士爲桃李本
此。

慶胄 胄系也。所以系諸人之後也。積善之家，必有

餘慶。故自高陽氏、高辛氏始，曰才子。唐虞夏皆曰

胄子。商曰後裔。周曰貴游。漢曰功臣。苗裔、魏晉而

下有謂豪俊、公子、貴介、公子。

唐謂公卿子弟。宋云慶胄皆濟美象賢之

謂也。又世業世科世勲世德俱詳見合璧

臟腑

心生目，膽生耳，脾生鼻，腎生口，肺生骨，肝生

肉，胃生髓，膀胱生血。

心藏神，腎藏精，脾藏魂，膽

藏魄胃受物而化之傳氣於肺傳血於肝而傳水穀於脾腸

寤寐 人之半寐魂遊於肝及其寐熟魂入於脾人之半寤魂達於肺及其大寤魂則處心

魂魄 按魂魄之論自孔子季札子產而下皆言之有謂氣之靈曰魂有謂膽之靈曰魄者有謂體即魄者皆非也心之靈曰魂體之靈曰魄如耳目體也能視能聽魄也故南軒張氏曰耳目之所以能視聽者魄爲之也此心之所以能思慮者魂爲之也故有心疾而情昧者魂先離魄手足麻木而不

仁者魄先離魂

真西山亦曰精者血之類耳目之

氣是能知覺運動者故屬陽此之謂魄世有三魂七魄之說吾折之朱子焉其言曰魂屬木魄屬金木之數三合木於金則七所以說三魂七魄是金木之數也

傭保 漢書與保傭雜作史記荆軻死高漸離變姓

名爲人傭保又欒布爲彭越家人又伊尹酒保見
鷄冠子

生辰 彌月我辰見詩覽揆見騷孤矢見禮漢高祖
與盧綰同日生里中持羊酒賀兩家西國聲風木
千歲一溼萬歲一枯東方朔自云見此樹三枯與
三偷桃同湯餅見生子類

庚申 絳縣老人七十三歲見左傳徐陵小如來五
歲大孔子三年謂七十五也裴晉公雌甲辰程文
惠小戊子文潞公詩四人三百十二歲况是同生
甲午年丁卯子同生見左傳孔融遺腹子以丁卯
日生鄭玄亦丁卯歲生名曰小同

前身 本佛書輪迴之說如羊祜金環蔡邕是張衡
後身等皆渺不可詰他書云要問前世因今生受
者是要問後世因今生作者是餘詳事文類聚東坡
前身爲五祖戒和尚山谷爲涪陵女子見餘冬

孕育 脩已背拆而生禹簡狄胃剖而生契少典感

樞星生黃帝姜嫄履巨跡生后稷慶都感赤龍漢
高母感王雞老子乘白鹿入母胎孔子降麟書於
闕里東方朔生三日而母田氏死鄰母收養時東
方始明因以爲姓一云方朔生而父母俱亡餘並
詳各記載書惟真人無影老公子無影又洗兒晬

嬰兒 漢書女曰嬰男曰兒釋名云人始生曰嬰兒
胸前曰嬰抱之嬰前而乳養之故曰嬰兒又人之始生曰

嬰兒

雙生 古人尚質雙生者以後爲兄見公羊傳孿子
之相似唯其母知之孿雙生也見戰國策祖甲一

產二男曰嚚曰良卯日生嚚爲兄許莊公一產二女曰妹曰筏唐勤一產二子男曰貞女曰瓊華鄭昌時文長蒨一生二男滕公一生二女李黎生一男一女並以前生爲長

危言云霍光知此安得謂不學無術梁羸

一男一女男爲人臣名曰圉女爲人妾名曰妾陸佟娶鬼方國君之妹孕三年啓其母左脅三人出右脅三人出

重生 左傳晉人獲秦謀殺諸絳市六日而蘇又續漢書吳志唐書搜神記幽明錄博物志所載往往死人復活並見御覽六帖

變化 月令物皆化左傳鯨化為黃熊家語牛哀病
化為虎山海經姑嫲帝女化為萑草東海帝女化
為精衛啓母化為石又女變為男男變為女通考
並載

身體

釋名形有形像之異體第也骨肉毛血表裏

大小相次第也首頭也

說文頭獨也處體獨高也

釋名

又元首面頰前也從百象人面也頰面旁也輔頰

也蔽面慙赤也

說文張敏有頭責子羽文頂巔也額

鄂也眉媚也有嫵媚也

釋名

堯眉八彩如八字也揚

眉曰揚衡老人有毫眉秀出耳形也耳有一體屬

着兩邊形形然也目默也謂默而內識也眼限也

童子限上而出也

釋名

目瞳子曰清盧

續博物志

肩堅也

膊也肩爲玉樓眼爲銀海

道書

鼻神玉龍字靈堅見

黃庭經鼻嚙也出氣嚙嚙也頰鼻莖也又鞍也偃

折如鞍也人中之山

管輅

又氣戶又口爲華池

內解唇

口端也又口之緣也吻免也入則碎止則免也唇

不覆齒謂之齧唇缺爲兔缺口空也又開閉情意

鬼谷說苑曰口者開也舌者機也又朱鳥吐縮白石

源言舌與齒也

黃庭經注

齒始也少長之別始于此也

齧毀齒也男八月生齒八歲而齧女七月生齒七

歲而齧齧齒不相值也齧老人齒如臼也牙植牙也隨形言之也咽嗑也喉嚨也又咽咽物也素問喉主天氣咽主地氣頤所以輔持其口故曰口輔口下曰承漿承水漿也針灸經一名凝漿頸徑也徑挺長也脰項也脾鬲也與胸脅背相會鬲也膈肩脾也臂裨也在旁曰裨腕宛屈也腋繹也言可張翕尋繹也肘注也可隱注也手須也事業所須也掌言可以排掌也元命苞云掌圓法天以運動指五者法五行也膺胸也臆胃骨也胃猶空空氣所衝也膈心上又塞也隔塞上下使不與穀氣相

亂也湏謂之乳湏乳汁也腹厚也富也其中多品
似富也背脊也又倍也在後稱也脊積也積續骨
節終上下也腋下謂之脅又挾也在兩旁臂所挾
也幹謂之肋勒也檢勒五臟也臍肚齊也下流並
會合爲臍腹腰身中也又約也在體之中約繼而
小也髀股外也髀卑也在下稱也股固也爲強固
也髀還也高厚有殿還也膝申也可屈申也膝頭
曰膊膊圓也因形圓而名也脛肱也又莖也直而
長似物莖毛貌也冒也在表別形貌且覆冒也髮
拔也拔擢而出也鬢頰髮也又賓崖也爲面額之

崖岸也睫目旁毛也又接也垂於匡而相接也心
纖也所識纖微無物不貫也肝幹也於五行屬木
故其體狀有枝幹也又火藏也又肝木屬仁仁者
好生東方者陽也肺水藏又勃也其氣勃鬱也脾
金藏又裨也在胃下裨助胃氣主化穀也腎屬水
主引水氣灌注諸脉也膽者連肝之府胃穀府也
腸暢也暢胃氣去滓穢也膀胱謂之脬音胞胞音胞也
包虛空之言也主以虛承水洎也兄寡也所在寡
宇深也健建也能有所建爲也羸痿也又累也恒
累於人也汗身液也又澤也出其水澤澤然易渙

汗史記揮汗唾口液也涕鼻液也無聲出涕曰泣

張吹口出氣也噓聲作噓而出也問安曰無恙恙

草間虫名也上古草居故以無恙問之拂髦總角

內白髮星星思左髭口上鬚為姿容也頤下曰鬚秀

也髯頰上鬚也髻髻多鬚也鬣長鬚也說文髮後垂

曰髻即髮末賦相如多鬚曰于思左傳膽者中正之官

素問心為神聖之臺莊子方寸列子天君荀子宗主醫書覓腹

又五臟神說世趾足也足在下也脚却也以坐時却在後

也胼胝股脛莊子蹠蹠蹠蹠也因其形蹠蹠也足後曰跟

在下旁着地踵聚也上體之所鍾聚也又肘足臂足髀

體頂也

說文

顙顙謂之髑髏肉柔也膂背肉也腠夾

脊肉也

瘰癧

寄肉也

皮被也

被覆體也

膚布也

布在

表也

骨體之質也

肉之核也

又堅而滑也

筋體之

力也可以相連屬作用也

又筋力也

肉中之力氣

之元也

脉幕也

絡一體也

髓骨中脂也

血濺也

流

濺口也

元命苞膏者神之液

天氣爲魂地氣爲魄

南

眠翕目也

說文

卧化也其精神變化也

坐挫也

骨

節挫屈徐行曰步

捕也安詳也

疾行曰趨

赴也

赴

所期也

疾趨曰走

奏也

跳條也

如草木枝條上行

也

沐濯髮也

浴洒身也

盥洗面也

澡洒手也

洗洒

也

洗洒

也

也

洗洒

也

洗洒

也

洗洒

也

也

洗洒

也

洗洒

也

洗洒

也

足也寐謚也靜無聲也寢侵也損事功也瞑泯也

無知泯泯也名釋北人以晝寢為黑甜六夢
正靈思

並見周官至人無夢文魂交形開莊周禮太卜掌三夢

之法傳古今占夢以黃帝長柳占夢十一卷今世俱

笑喜也見說文噍噍笑也見嵇康琴注禮笑不至

則遠法師送陶潛陸修靜也泣無聲出涕也見說

文嘯吟也又吹聲又蹙口出聲見詩吟嘆也又嚴

也其聲本出於憂故其愁聲嚴肅使聽之悽歎也

謳齊歌也歌味也又柯也所歌之聲是其質也以

聲吟味有上下如草木之有枝葉也戲弄也馬迫也以惡言迫人也言歷也以惡言

相彌歷也不言而悅曰喜元命苞兩口御士為喜

形貌 孔子頂圩眉十二彩湯長頭髯鬚老子方口

共工朱髮有仍女玄髮帝王之貌如伏羲女媧蛇

身人首神農人身牛首戴玉英玉勝黃帝龍顏顙

頊首戴干戈帝嚳駢齒帝堯鳥庭荷勝眉有八采

豐下銳上帝舜黑色龍顏重瞳大口手握橐禹虎

鼻大口兩耳三漏首戴鈎鈐胷有玉斗足文履吉

又云長頸鳥喙湯豐下銳上珠庭皙而有髯倨身

而揚聲文王龍顏虎肩武王駢齒秦始皇蜂準長目鷖鳥鷹豺聲

漢高祖隆準龍顏美鬚髯左股有七十二黑子光武隆準日角大口美鬚眉昭烈臂垂過膝顧見其

耳晉武帝炎髮委地手過膝齊太祖道成龍顏鐘聲鱗文偏體梁武帝竹兩膝駢骨頂上隆起有文

在左右手曰武陳武帝霸先日角龍顏垂手過膝齊神武歡目有精光長頭高顧齒白於王文宣帝

齊神武歡目有精光長頭高顧齒白於王文宣帝

洋鯨身重累周文帝泰方額廣額黃鬚髮長委
地垂手過膝背有黑子宛轉若龍盤之形隋高祖
龍顏長上短下額有五柱入頂目光外射有文在
手曰王唐太宗龍鳳之姿天日之表宋太祖正黑
色方面大耳其間位方隅者項羽目重瞳子力
能扛鼎喑鳴叱詫千人皆廢王莽侈口露眼赤睛
夫聲而嘶反膺高視瞰臨左右孫權紫髯方頤大
口長上短下劉淵子聰俱懷臂淵鬚長三尺餘當
心有赤毫毛三根長三尺六寸聰左耳毫長二尺
非常光澤劉聰生而眉白鬚四尺餘慕容皝龍顏
版齒手垂過膝符堅背有赤文隱起成字曰州僧
臣又土王臂垂過膝面有紫光慕容德額有田字
偃月圭文魏什翼犍隆準龍顏立髮垂地耳則孔
垂至席又元命苞云蒼頡四目是謂並明湯肅
四肘是謂神肘舜重瞳子是謂重明禹耳三漏是
謂大通文王四乳是謂含良蓋法酒旗布恩舒明
注酒者乳也能乳天下布恩之謂也

體識畧二十一卷終

子語畧二十二卷

崇陽吳楚材國賢編

龔衍材國銓校

人事部

聖 尚書謩作聖易備物致用立功成器以爲天下
利莫大乎聖人黃帝曰凡人生一日天帝賜筭三
萬六千八百紀二十聖人得三萬六千七百二十
月人得三萬六千一紀主一歲聖人加七百二十
見河圖 詩注聖通明也孟子大而化之之謂聖

賢 韻注吾也能也大也又愈也過也書曰惟后非
賢不乂惟賢非后不食陰符曰凡治國有三常一

曰君以舉賢爲常二曰官以任賢爲常三曰士以敬賢爲常

呂氏春秋黃金累千不如一賢

忠 論語臣事君以忠又盡已之謂忠正韻注內盡其心而不欺也韓詩外傳忠之道有三以道覆君而化之大忠也以德調君而輔之次忠也以是諫非而怨之下忠也荀息曰公家之利知無不爲忠也

孝 爾雅曰善事父母曰孝孝經曰夫孝天之經也

地之義也人之行也禮記曾子曰孝體有三

大孝尊親

其次弗辱其下能養

信 申也相申束使不相遠也易信及豚魚喻小民也漢書得黃金百不如季布一諾

友悌 論語孝弟爲仁之本爾雅善兄弟爲友周禮

六行孝友睦婣任恤左傳六順君義臣行父慈子

孝兄友弟敬陳寔有子

曰元方次曰仲方兄弟孝養閨門雍睦嘗過荀爽夜

會太史奏德星聚

恭敬 說文肅也又供也自持也亦言供給事人恭

警也論語恭近於禮遠耻辱也禮記莊敬恭順禮

之制也

少儀賓客主恭祭祀主敬恭一作共君令臣共共已南面受小共大共魯有恭士名

曰汜行年七十其恭益甚魯君問曰何不釋恭對曰常恐斧鑕之加於汜也鉏麇往賊趙宣子曰不

志恭敬民之主也

勤慎 當官三事清勤慎韻注勤孜孜也勞也盡也

曰勤歸俗作慇慎从心真貞心為慎說文謹也古作齊漢書海外肅春中庸戒慎論語慎而無禮則意又王季其勤又勤勵勤宣

聰敏 史記聰明敏捷人之美材也釋文材識捷疾

漢應奉少聰明暗記讀書五行俱下王充閱市肆

書一見能誦

黃香傳記號曰天下無雙江夏黃童王粲善屬文舉筆便成人以為宿構

裴炎須臾剖判時謂之霹靂手

清廉 釋名青青也去濁遠穢色如青也廉歛也自

檢歛也

禮記儒有砥礪廉隅又廉潔也不貪也孟子取傷廉楚辭寧廉潔正直以自清柳叟

廉不沽名伯夷廉頑立懦子罕以不貪為寶楊震
畏四知以清白吏遺子孫吳隱之酌廣州貪泉歸
愈有伯夷頌姚崇有冰壺誠

恬淡 列子人不婚官情欲戒半恬即恬退之義淡

即澹約之義

莊子就數澤處間曠釣魚隱處此江
海避世之士所好也陳仲子灌園不

受楚相其妻曰左
琴右書樂在其中

儉約 禮儉德之恭易君子以儉德避難老子三寶

二曰儉論語以約失之者鮮矣

東方朔化民有道
對欽推甲乙之帳

燔之四通之衢司馬溫公有訓儉文云人皆以奢
靡為營吾獨以素儉為美朱文公儉德帖云一則

寬胃養氣一
則節用省財

剛正 洪範三德一曰剛一曰正直詩剛亦不吐又

好是正直

史高明剛克又正人君子雋不疑云太剛則折太柔則廢晉嵇康剛腸疾惡魏

暮剛正被讒又世南峭正李渤勁正

勇敢 釋名踴也見敵踴躍欲擊之也河圖云鳥一

足名獨立見則主勇強論語仁者必有勇勇有二

曰理義曰血氣又曰達德曰客氣列子力能裂尾

兕之革曳九牛之尾尤憾其弱古勇士有卞莊孟

賁石敢當壯士有秦成力折

項王舉鼎拔山喑鳴叱咤千人皆廢百戰

無前膽力威勇足冠千古其它若蜀五丁力士能移山舉萬鈞每王薨輒立大石長三丈為墓志曰莽里秦烏獲又夏育俱能舉移千鈞千鈞蓋三萬斤衛石蕃能負沙一千二百斗當為一百二十石可謂神力矣而俱不聞有戰伐之勲氓氓以死何也書所載魏任城王曹彰太廟新成萬斤鍾負之

而趨搏白象鼻頓之於地以臂繞虎尾伏不敢動
然是時海內稱開張為萬人敵不數任戎也北魏
盧曹長九尺餘勇力與沙門雲讚埒嘗以海神脰
骨為馬稍以遺齊神武諸將莫能舉惟彭樂強舉
之南梁羊侃伏而作虎狀以指扶壁入三寸弓力
至二十石泗州十石人各長八尺許執而對擊之
俱碎又於壁直上七步橫蹋得五跡而是時海內
以高敖曹配項羽不數羊盧也元鄭藻舞劍能使
壯士十馬首俱墮而我明稱勇將為常開平傳
顏公輩陳有張定邊漚無聞也豈有力者不必有
膽耶一萬鈞當為三十萬斤此恐記者之過見危
言別錄

節義 符節所以示信顏師古曰節以毛為之上下
相重取象竹節因為名將命者持之以為信義
宜也理也節行也由仁而行得其宜曰義孟子曰
義之於君臣也周禮龍節虎節不同史云伏節死

義之臣

豪俠 荀悅云世有三遊德之賊也一曰遊俠立氣

勢作威福私結交以立強於世史記游俠傳郭解

朱家劇孟等其行雖不軌於正義然其言必信其

行必果已諾必誠

不愛其軀赴士之阨困既已存亡死生矣而不矜其能蓋伐其

德蓋亦有足多者焉且緩急人之所時有也

遲鈍 遲者速之對鈍者利之反易盱豫悔遲有悔

左傳其行趑趄翟方進號遲頓不及事

曹操與楊脩讀曹娥

碑碑背有八字曰黃絹幼婦外孫壘曰脩曰黃絹色絲絕字幼婦少女外孫女子好字壘曰受辛辭字操行三十里得之曰有智無智校三十里

愚拙 荀子非是是非謂之愚正韻注拙不巧也論

語下愚不移

古語云巧遲不如拙速列子北山愚

之曰我死有子子又生孫孫又生子子孫孫無窮匱也而山不加增何苦而不平莊子朱汗漫殫千金之產學屠龍技成而無所用其巧

疑惑

書蓄疑敗謀論語愛之欲其生

云

是惑也

語云市虎起于三人投杼成于屢至

列子意其人有亡

子視其行竊鉄也動作態度無爲而不竊鉄也伐而得其鉄他日復見鄰之子無似竊鉄者又角弓

蛇形見類聚

遺忘

列子宋陽里華子中丘病忘朝取而夕忘夕

與而朝忘在塗則忘行在室則忘坐魯有儒生能

治之試屏左右獨與居室七日而積年之疾都除

正韻注遺失也亡也
忘不誌也忽也遺也

錯誤 正韻注誤謬也亦作悞又惑也荀子誤為亂

說差之毫釐謬以千里鵲突者胡塗之反也魏武
欲得渾沌渾沌古賢人也

此語著於釋釋
曰世俗俳言也

貪濁 釋名貪探也探取入他分也又貪欲物也貪

財為黷貪色為淫左傳貪婪又縉雲氏有不才子
貪于飲食胃于貨賄侵欲崇侈

不可盈厭聚歛積實不知紀極不分孤寡不恤窮
匱天下謂之饕餮又貪濁者清廉之反也

酷虐 說文殘也釋名酷也凡疾或寒或熱先寒後

熱以酷虐也古旗有名勿勿者集衆則用之後人
轉為勿勿勿勿者急遽之辭也見演

露

奢僭 說文奢張也反儉曰奢從大者言誇大於人也

姦邪 姦私也許也左傳亂在外為姦在內為宄楊

不姦姦而詐詐俗作姦二女為姦三女為姦邪不正也姦思也佞也亦作姦周禮去其淫怠與其奇

素之民書崇信姦回

諛佞 諛諂諛也佞巧諂捷給一曰才也故不才曰

不佞史記佞幸傳諺曰力田不如逢年善仕不如

遇合非獨女以色媚而仕宦以色幸者多矣漢高祖至

暴抗也然籍儒以佞幸孝惠時有閼孺此兩人非有才能徒以婉佞貴幸與上卧起公卿皆因閼說

孝文有鄧通孝景有周仁孝武有韓王孫媽論語祝鮀之佞宋朝之美

慙愧 湯放桀有慙德五子歌有忸怩心慙也慙愧於仁

人賢士也

游說 釋名說述也宣述人意也緩頰談天辨給揣

摩詳見御覽

滑稽 滑亂也稽同也言辯捷之人言非若是言是

若非亂異同也見索隱注楚辭云將突梯滑稽如

脂如膏崔浩云滑音骨稽流酒器也轉注吐酒終日不已言出口成章詞不窮竭若滑稽之

吐酒故楊雄酒賦云鴟夷滑稽腹大如壺盡日盛酒人復籍沽是也又姚察云滑稽猶俳諧也以言諧語滑稽利其知計疾出故云滑稽也

詭詐 說文詭責也又橫射物爲詭詐欺也

讒毀

書聖讒說詩萋斐青蠅戰國策積羽沉舟群

輕折軸

又積毀銷骨又忌其人而毀之與蔡毀之

之蔽明也 愈作原毀也 韓

諫諍

白虎通云諫間也更也是非相間革更其行

也

傾陷 中庸驅而納諸罟獲陷穽之中孫子如登高

而去其梯李陵傳爲之機陷媒孽其短又傾危陷

害

鑒戒

易防患曰戒詩殷鑒不遠

誓盟 誓約束也周禮司盟掌盟載之法載盟辭也

割臂歃血左傳

誅謗 非讀曰誅非議也非訾也不是也與誅同錯

傳非謗不治謗毀也古有誅謗之木國語庶人謗秦有腹誅之誅商君法誅謗者族

容忍 容盛也受也包函也亦作頌顏師古曰古者

頌與容同刑法志注頌謂寬容之不桎梏也安於不仁曰忍又忍耐也書必有忍乃有濟

投贄 贄至也所執以至見之禮也天子以鬯禮無容

用鬯告神諸侯以圭卿以羔大夫以鴈士以雉庶人以

鷩童子委贄而退未成人婦人榛脯棗栗並見曲

禮

謁見 開始見子者辭曰某固願聞命於將命者敵

者曰某固願見罕見曰聞名亟見曰朝夕禮記少儀臨

貺即儲左顧即在掃門欲求內謁即通裁刺造門

介紹先容並見史

報恩 詩無德不報又瓊瑤匪報又杜回結草壺飧

得士見左傳又隋侯珠黃雀環

仇讎 周禮調人掌司萬民之難而諧和之注云難

謂相與爲仇也復讎見禮記

揚善 輓推見左傳借譽游揚見史

隱惡 包荒見易含垢見左傳

慕名

山仰景行見詩

學孔晞顏效郭折巾慕蘭更名御李登龍耶耶步西施擲

並見史

行旅

在塗曰旅又寄旅即次見易迷途見莊子

離別

楚辭悲莫悲兮生別離逸詩歌驪駒江淹別

賦云黯然銷魂者唯別而已參辰弦枯南浦北林

並見初學記

還歸

馬角羝乳命駕角巾見合璧破鏡大刀見古

詩又出有賜曰餞路反有勞曰輓脚見楊國忠傳

書問

說文簡牒也爾雅簡謂之畢釋名簡書編也

牘書版也札節也編之如櫛齒相比也槧版長三

尺即牘也又斷木為契以竹簡寫之為編廣武君云尺

之書萬石君為中涓受書謁殷羨為豫章太守都下人士因其致書百餘亟行次石頭皆投水中曰

沉者自沉浮者自浮放洪橋不為置書郵故今人稱浮沉郵筒者本此又鴻鴈雙魚折梅絨書並見

古詩又書竹曰簡書板曰牘今紙名簡取簡書義也又門狀起李德裕時

言語 釋名言宣也宣彼此之意也語叙也叙已所

欲說述也說文直言曰言論議曰語又諺傳言也俗言曰諺後漢馮衍傳餓者毛食注毛

草也毛作無今俗猶然又耗矣哀哉注以耗為毛毛無也並見演繁露雲間志謂人曰渠自獮曰儂

問何如曰寧馨謂紅曰鶯言罷必綴以休又此曰箇裏甚曰忒煞羞愧曰惡模樣醜惡曰湊賴多少

曰幾許大率皆吳音也筆記謂人不慧者曰不御滑團曰奕樂精曰鯽令孔曰窟籠不循理者曰乖

角作事無據曰沒雕當有甚意頭沒些巴鼻又平白地見李白東坡詩

尺牘 楊用脩有赤牘清裁十一卷王司馬元美廣

爲二十八卷赤古尺通用叙畧云夫書者辭命之

流也昔在春秋游旌接轂矢揚刃飛之下不廢酌

往嫺婉可餐故草創潤色既匪一人謀野禋邦以

爲首務然而出疆斷割因變爲規寄文行人之口

無取載函之筆離是而還書即乎盛矣用亦大焉

推奏章秦庭則千索盡返少卿紆爵于毳帳子長

揚泯于蠶宮良以暢人我之懷發今曩之蘊或楊

挖沈冥或摺折疑豫或誘趨啓蔽或釋詛通媾走

儀秦于寸管組丘倚於尺一思則川至泉湧辭則

雲蒸電燿其盛矣哉然皆春容大章汪洋荒翰雁

距弱雲路虞其修阻魚腹狹波臣付以沈浮則有

黃麻薄曉城蘇固綴爛漫數行遥裔千里蓄止寒

暄情專問慰使事興端片物託緒毛生爲舌墨卿

代面醉滿離徒危言熹微其造色也炯兮阿珠之
之發其寄宗也曩兮春絲之不斷是用河嶽雖移
未移愈結徘徊吟咀情事更絕明月宛其休懷白
雲待而不飛斯則晉客玄談之委致齊梁纖語之
輕軟也又削木書姓名謂之刺漢以紙書謂之名
姓書函見吳張溫使蜀

餞送 酒食送人見廣韻送行之燕見正韻注顯父

餞之見詩治祖道供帳見韓文行者必以贐見孟

子 仁者送人以言見老子

餽遺 以致稍餽見周禮雜佩木瓜瓊琚見詩苞苴

見少儀嘉貺見左傳 按列子載負暄美芹事稽叔夜與山巨源絕交書云野人

有快曝背而美芹子欲獻之至尊後世遂有獻芹之說實無所出持叔夜合言之耳見事文類聚

辭受 曾子辭魯君賜邑曰受人者畏人予人者驕

人子思辭田子方狐白之裘曰妾與不如遺棄物於溝壑役雖貧也不忍以身為溝壑是以不敢受也並見說苑

貴

說文貴者歸也謂物所歸仰

汝穎言貴聲如歸

人物盈朝衣晞晞六代九公光昭六合榮寵京二為天下貴門矣七葉五侯三組六印朱輪華轂並初學記國朝見皇明盛事

富

尚書五福二曰富史記無秩祿之俸爵邑之人

而比之者命曰素封又石崇積財如山樊重閉門

成市

危言以貴而富其最著者秦魏冉呂不韋楚黃歇漢霍光張安世張禹王鳳等五侯董賢

梁冀董卓曹騰等魏曹洪晉石崇王愷王濟徐湛之阮佃夫梁蕭宏朱异羊侃北魏元禧元雍元琛元融李崇隋楊素唐裴寂李林甫楊國忠郭子儀常宙裴冕元載李德裕王涯楊牧吳越孫承佑蜀

李昊步蔡京梁師成韓世忠張俊楊沂中史弥遠
韓杞賈似道元無帖木兒伯顏宋清張瑄其無
識者僅郭汾陽韓蘄王耳能自力致富者陶朱公
白圭猗頓巴寡婦臨卽卓王孫程鄭宣曲任氏茂
陵袁廣漢平陵士孫億東海糜竺平邑王氏洛陽
劉寶長安王元寶五酒胡卿鳳識郎勃駱駝及勝
國倪瓚顧瑛沈萬三皆著在史傳甚詳

貧

尚書六極四曰貧呂枕字林曰窶貧空也說文

云貧財分少也窮極也孫卿子曰貨財粟米之於

家少有者謂之貧至無者謂之窮

左傳室如懸磬方言曰南楚人

貧衣被醜敝謂之須捷或謂之襤裂或謂之藍縷

顧廷之庭誥曰富則盛貧則病甚矣貧之為病也

不惟形色麓顰或亦神心沮廢豈善交友疎棄必
有家人謂讓非庶潔深識者何能不後其拒故欲
竭憂患莫若懷古之志當自行古人見深則憂淺
識遠則患浮昔有琴歌於編達之中用此道也太

公六韜曰武王問太公曰夫貧富豈有命于將始
生不得其意太公曰恣在其室計之不熟一盜收
種不時二盜取婦無能三盜養女太多四盜棄事
就酒五盜衣服過度六盜封藏不謹七盜井竈不
便八盜舉息就利九盜無事燒火中盜安得富也
又尋常人尺爲尋倍尋爲常見演繁露又倍徒五
倍曰徒

賤對貴言也華門圭竇蓬戶麀牖又蘇秦馬羈陳
涉繩樞執鞭寒人羈賤並見六帖

壽老年曰壽壽之爲言久也詳見六經又年齒皆
曰壽左傳人壽幾何賈誼憂壽不長是也又獻壽
亦謂之壽禮六十杖于鄉七十杖國九十杖朝八
十曰耄九十曰耄百年曰期頤天皇兄弟十二頭

人地皇十一頭各一萬八千歲人皇九頭各三百歲毗騫王從古以來不死俱未敢信長生久視莫如神仙吾謂佛在世只四十九年爾百千萬歲詩

人頌祝之辭則然也庖言云人壽至百歲而極彭祖七百餘歲自服仙丹後入

流沙亦不言死帝王世紀神農在位百二十年黃

帝少昊俱百年帝嚳年百五歲堯百一十八舜百

有十禹湯年俱滿百六韜云古公百二十王季百

歲文王九十七武王九十三周穆王五十即位

位五十五年蓋世壽也太公百三十六召公百八

十畢公百餘漢文帝時有樂人竇公百八十張蒼

百餘范友明奴二百四十晉范長生兩仕晉前後

百年魏羅結百七歲為外都大官百二十乃卒梁

穰城人百十歲惟飲乳鍾離人顧思遠百十二歲

凡九娶有子十二人上津人張元始百十六歲臂

力過人進食不異九十七始生子遂無影唐李元

爽百三十六歲于伯龍百二十八歲宋党翁百七

十餘歲譙定百三十歲揚叔連百二十二父宋卿
百九十五九世祖不語不食不知其年衛武公九
十五為周卿士鬻熊九十為文王師高允九十八
為光祿來敏九十七為將軍其餘不可悉紀侯鯖
錄云年紀者紀記也記其年數

蚤達 顓頊十歲為少昊相帝嚳十五為顓頊相唐

堯十五為帝摯相甘羅十二為秦上卿介子推十

五為楚相常康成十五為郡主簿司馬元顯高澄

俱十六開府輔政崔英十七為符秦諫議子奇張

緬賈誼俱十八終軍二十俱仕有聲餘不悉紀

幼悟 王戎七歲識苦李李泌七歲員儼九歲寇準

八歲王禹偁九歲賈黃中七歲及第 國朝李東

陽程敏政他若

溫公擊甕曹彬取干戈組豆之類不悉紀又漢書注年十五以下皆

云六尺韓詩外傳二十行役七尺者二十歲也

農

漢志關土殖穀曰農

又厲山氏有子曰農能殖百穀後世因名耕田畔為

農書農用八政左傳廢人力於農穡杜預注種曰農欽曰穡穀可收穡也又周禮三農生九穀堯舉

后稷為農師周有田畯田正遂師之屬故詩曰臣工釋名土已畊者曰田田填也五稼填滿其中心

也爾雅田一歲曰畱二歲曰新三歲曰畱漢書注燒草下水種稻生芟去復下灌水草死稻長所

謂火耕水耨也又禾之秀實曰稼一曰家事也又在野曰稼耘除田間穢也耨壅于本也耨鋤禾也

所也又誅也誅除物根株也耨摩田器也又撥揅錢鐻銍艾茶蓼芟柞甌窶汚邪又馮道兔園冊劉

岳誦道本田家兔園冊謂鄉校俚儒教田夫牧子所誦也

蠶

后妃親蚕繅三盆手浴種具宮見禮條桑柔桑

見詩三 卦四 熟蚕室 繭館又蚕最范 藏見事類

繭為絲 維車路車 簾取絲者 張繭曰 柅俱見 御覽 餘冬序 錄云 蚕為 龍精其 首類 馬星 屬天 駟月 直

大火則 浴其種 月令 仲春 祭馬 祖季 春享 先蚕 皆 為天 駟房 產也 為馬 祈福 謂之 馬祖 為蚕 祈福 謂

之先蚕 其類同 耳後世 遂有 蚕女 兒馬 明吾 薩馬 頭娘之 說見于 古今注 及搜神 記乘異 集所云 何其

妄也

織 說文作帛總名也 經織從絲也 緯織橫也 經緯

綜機縷也 紡見左傳 績見詩 紡績見史

漁 本作魚 周禮作敷 燧人之世 天下多水 故教人

以漁 其後堯使人水處者 漁 左傳陳魚注大設捕

箸取魚器也 見玉篇 罾筍見詩 即筌筍以竹為 設逆鬚於其口 魚可入不可出也 網罟筌罟 罟竿

見淮南子畧大網也巢謂之汕慘謂之湊謂
米投水中聚柴而薄圍取之也罾謂樹木而張
其上又謂之撮罾如提而小水上掩取之也簞
水中張魚器也簍取蟹者銛施鉄鉅於竹頭以攔
魚者即今魚叉

獵

爾雅江東呼獵為獠又矰戈射矢也以生絲繫

而射之

爾雅鳥罟謂之羅絡也兔罟謂之置遮也
翻車謂之罟張羅車上謂之罟罟捕鳥也

係蹄以繩為機縻繫
其蹄故又謂係蹄

工 周禮百工飭化八材餘詳考工記剡劂鑿也歸

田錄有水經三卷

釋名巧者今異數成一體濞巧
見礼記魯班以石為禹九州圖

莊子百工有器械之巧
則莊又刻楮見列子

商

漢書通財鬻貨曰商子貢衛之賈人也

白虎通
商之言

商也商其遠近通四方之物以聚之也賈者固也
固物以待民來求其利也聚貨見易噬嗑買賣見
周禮買賣之所曰市陳貨曰市肆負販見曲禮舜
販於須立見尚書大傳屠牛坦坦者屠人名也文
君當盧盧酒瓮也駟贈會二家交易也駟者其有
率也役貧轉轂素封見貨殖傳

御

一曰馭周禮六藝四曰五馭

鳴和鸞逐水曲過通表舞交衢逐禽

左 鑿控見詩駮乘見傳古善御者造父

堯時師秦豆

又王良伯樂淮南子云太丙之御經雪霜無跡

射

禮曰射之為言繹也各繹已之志也孤矢見易

比耦見詩正鵠見禮

射有五百矢參連剡法讓尺

皮和頌與舜周禮王大射則共虎熊豹侯諸侯則共熊侯豹侯卿大夫則共麋侯皆設其鵠按設鵠以為的也以獸皮為侯而棲鵠其上故在皮侯曰張在鵠則曰棲見演繁露又射狸首以致諸侯

之不來者徐廣曰狸一名不來蓋射者皆以惡物為鵠也

醫療也亦作鑿說文巫彭初作醫世本巫咸始以

鴻術為堯醫黃帝使雷公岐伯嘗草木典醫療今

難經本草出焉

周禮醫師掌醫之政令歲終稽其事十全為上十失一次之失四為

下楚辭九折臂孔子云三折臂一云三折肱七畧有醫經家有方家房中家神仙家扁鵲最著鵲兄弟三人長兄視色仲兄視毫毛鵲鍼人血脉故名聞諸侯又獸醫掌療病及瘍見周禮察馬病一曰筋勞二曰骨勞三曰皮勞四曰氣勞五曰血勞見六典油藥灌劑之物見御昂八馬坊碑漢書張里以馬醫擊鍾又黃憲牛醫之子百官志群牧使送細馬有獸醫等

卜筮尚占見易決疑見傳伏羲得神蓍而始筮世

本巫咸作筮

白虎通龜之言久也蓍之言耆也五行傳此禽獸草木之壽久而能知吉

凶也說文灼龜也蒙兆之縱橫也筮筭易卦用蓍也京房易卦以錢擲以甲子起卦曲禮龜為卜筮為筮先王所以使民信時日敬鬼神畏法令也所以使民決嫌疑定猶豫也春官卜師掌龜之四兆占人掌三龜以八簪占八頌以八卦占蓍之人故以眡吉凶又蘇秦蠱卜博物志虎卜越巫雞卜女國鳥卜胡人樗蒲卜黃石公十二禁卜荆楚竹卜夫餘國牛蹄卜並見御覽又詹尹決疑季主賣卜卜人墨畫其上然後灼之灼文適順其畫是為食墨者吉其兆不應墨則云不食不食則龜不從也

占

即占候尅擇眡祲掌十輝之法以觀妖祥辨吉

凶見周禮

史記占候時日通名曰漢武帝時聚會

堪輿家曰不可建除家曰大吉叢辰家曰大凶歷

家曰小凶天人家曰小吉太一家曰大吉辨訟不

决制曰避諸死忌以五行為主取於五行者又

太歲方位東家之西即西家之東見玉露又綿候

鈴决見後漢傳餘見天文歲序部

禱

寧風旱彌災兵遠罪戾祈福祥求求貞見周禮

又女祝掌王后之內禱祀以時招梗禴禳以除災

殃

除災害曰禴禴刮去也却變異曰禳梗禦未至也招招善去惡也四祀今惟禳禮在太祝

掌六祈

一類二造三禴四禱五攻六祝注祈禳也

有災變則號呼告神以求福也又禱見論語

巫

說文祝也周禮巫人掌群巫之政令若國大旱

則帥巫而舞雩男巫掌望祀女巫掌歲時祓除釁

浴又男曰巫女曰覡見春秋傳說又巫陽女巫也

見宋玉招魂賦

東甌王粲祠鷄卜西域鳥卜鄭巫咸期人歲月旬日符祝末急急如

律令律令雷邊捷鬼也巫蠱始見江充戾太子後女巫嚴道育見宋書獨孤陀猫鬼見隋書餘并

雷

載

卷

上

易

卷

符術禁幻
並詳御覽

命

論語死生有命孟子莫之致而至者命也動作

威儀吉凶曲折孔子知天命又罕言命皆非後世

所云自李虛中深於五行以人之始生年月日辰

支干相生勝衰死旺相斟酌推人壽夭貴賤利不

利預定時日百不失一又有演禽七政六壬遁甲

推筭之術愈不可詰云

演繁露云男生小運起寅女生小命起申世皆通用

禍福甚驗不知計負季主其能先事命中皆卜相耳未聞推命至隋世楊操注八十一難經詳述此說而曰人生男女陰陽出於自然則明為推命也餘見餘冬序錄

相

人相篇石室賦此觀相大指若呂公相漢高袁

天罡相武璽鉗徒相衛青可謂神品

荀子非相篇云相形不如

論心論心不如擇術帝堯長帝舜短文王長周公短云韓愈雜記觀貌不若論心又青箱雜記心

相有三十六善

堪輿相宅經云出周公似不然周公卜洛卜之澗

水東瀍水西公劉遷豳則已相其陰陽陟嶽降原

矣青烏子相冢者後有郭璞

方術執技以事上見六帖如左慈費長房張楷樂

巴管輅郭璞于吉之類又佛圖澄謂石勒曰秀支

替戾剛僕谷劬禿當秀支君也替戾剛出也僕谷

劉曜胡位也劬禿當捉言此軍出捉得劉曜書也

又相牛馬見鳥獸部
相雞狗術見荀子

傳神

起于傳嚴惟肖後世麟閣雲臺圖形皆本諸

此又宋人多云寫真又古畫塑一法楊惠之與吳道子同師張僧繇見道子筆法已至不服居其次乃去學塑亦為古今第一又晉以來顧長康張僧

繇陸探微

所畫通神為畫家三祖詳見文事部

美丈夫

丈十尺也從手而持十也夫從一大象人

形也家語息土之民美周書美男破老爾雅美士為彥堂堂見論語宋玉體貌閑麗張良如婦人好女直不疑孫桓何平叔潘安仁王仲祖張蒼東方

朝杜又衛叔寶司馬相如又夏潘連璧甥舅映珠

陳平冠玉董偃賣珠見初學記

危言向雅蒲子瑗安陵龍陽鄧通董

賢林仁遇以色進外張昌宗張易之以色進內

美夫人

詩注美女為媛纂文乎瑜美色吳楚之間

曰娃南楚之外曰娟宋衛之間曰艷燕岱之間曰

姝秦曰娥好而輕也西施毛嬙魚見之深入鳥見

之高飛美而艷見左傳國色見公羊傳又弄玉飛

瓊南威西子楚娃宋艷高唐下蔡見初學記

危言云先

秦以前美人則有少昊之皇城赤帝女之瓊樹桀

之妹喜紂之妲己有莘氏周穆王之盛淑人昭王

之延娟延娛幽王之褒姒楚王之息媯晉獻公之

驪姬秦穆公之女弄玉惠文之華陽夫人莊襄王

之耶耶姬吳王之西施即夷光鄭旦即脩明楚王
之鄭袖南康陽文李園妹梁惠王之間姬趙武靈
王之吳姚燕昭王之旋娟提謨中山侯之陰后江
姬皆在宮掖者也有仍氏青琴毛嬙孔父妻徐吾
妃妹夏徵舒母知妻顏夫人皆在下者也漢宮掖
則戚夫人慎夫人陳后阿嬌衛后子夫邢夫人尹
夫人李夫人王夫人鈞弋夫人麗娟王昭君飛燕
合德陰麗華魏文帝甄后薛靈芸即夜來莫瓊樹
陳尚衣陳巧笑吳主權趙夫人潘夫人吳主和鄧
夫人吳主亮朝姝麗居洛琰潔華孫策周瑜二喬
晉武兩楊后胡嬪芳宋孝武殷淑儀陳昏侯潘妃
王兒北齊後主馮小憐陳後主張麗華孔貴嬪隋
文帝陳宣華蔡容華隋煬帝朱貴兒侯夫人素寶
兒吳絳僊唐玄宗武惠妃楊太真武宗王才人李
後主兩周后宋徽宗兩劉妃張玄妹閨閣則秦羅敷
顧夫人臨川王宏妾江無畏荀奉倩婦曹洪女桓
溫妾李勢女徐德言婦樂昌公主王儉客婦無雙
袁術失行則卓文君鶯鶯非烟號國夫人狄夫人
達奚盈盈姬侍則馮方文魏絳樹石崇翔風綠珠
宋棊羊侃張靜琬孫荆王元雍徐月華脩容艷姿

李密雪兒羊鑒阿劉李靖紅拂崔生紅綃元載薛
瑤英寧王憲寵姐李聽紫雲李愿女寶潘炕解愁
冬伎則霍小王李姓楚娘夜來杜常娘史鳳楚蓮
香劉桢春皆灼灼有名者若退之之桃柳樂天之
蠻素雖見詞章酸士所獲寧堪上駟哉又女子長
者明德馬皇后和熙鄧皇后俱七尺三寸劉曜長
九尺四寸劉后長七尺八寸

長人 周書丘陵之人專而長淮南子東方之人長

禮斗又中國之人長一丈者人君則黃帝堯與文

王人臣則伍員巨母霸俱十尺母霸腰帶十圍員眉間

一尺慕容叱頭長一丈圍九尺禹短一寸孔子長

十尺程史載唐某與其妹各長一丈二尺初學記

大秦國人長十丈史記秦始皇時有大人見臨洮

身長五丈脚跡六尺神異經西南大荒中有人長
一丈腹圍九尺西北海外有人長二千里兩脚中
間相去十里腹圍一千五百里又禹長九尺九寸
湯九尺秦始皇八尺七寸漢高祖七尺八寸光武
七尺三寸昭烈七尺五寸宋武帝七尺六寸陳武
帝七尺五寸宇文周太祖八尺項王八尺二寸韓
信八尺九寸王莽七尺五寸劉淵八尺四寸劉曜
九尺四寸慕容皝七尺八寸姚襄八尺五寸冉閔
什翼宇文泰皆八尺慕容垂七尺四寸慕容德八
尺二寸

自唐以後人主長者故少肅康成年十五
身長八尺劉曜子亂十歲長七尺五寸後

止八尺四寸不能如其父符堅特有申香夏默護
磨那俱長一丈九尺為佛蓋即外國人也孔子曰
人長不過一丈然至於骨節專車又孔子所對防
風氏也列子龍伯國人長三十丈洞冥記云支提
國八長三丈三尺三臂三指皆以為寓言然防風
身橫九畝自古記之即蒲國君長狄僑如長三丈
犯魯為叔孫得臣以戈樅喉而死其父緣斯犯宋
為皇父所殺弟樊如先犯齊為王子成父所殺簡
如走至衛復為衛所殺長狄之種遂絕佛長一丈
六尺以爲神然其小弟阿難與從弟調達俱長一
丈四尺五寸彼時天竺之長者故不少也

短人

國語僬僥國人長三尺短之至也方言侏儒

短人也鯀矐短也漢武東郡送一短人長七寸名

巨靈漢書嚴延年短小精悍婁護王粲樂進又臧

紇優旃蔡義葉公晏子王敬張松並短小蔡謨外

親王蒙長三尺潁川張仲長二尺二寸論衡云一

尺二寸初學記二寸

拾遺記負嶠山有陀移國人長三尺壽萬歲廣延之國人

冠西海之外有鶴國男女皆長七寸行如飛日千里海鵠吞之人在鵠中不死蔡邕短人賦郭璞焦僥讚

醜人 釋名臭也如臭穢也家語耗土之人醜洪範

六極五曰惡發蒙記醜男驢茂醜女離春按鍾離

春即無塩宣王納之為后左傳賈大夫貌惡娶妻

而美三年不言又戒明狀甚惡蔡澤欽頤折額

晉書

左思貌醜而口訥嫫母醜人也齊宿留女項有大
瘡孟光醜黑而肥力舉石臼符雄短足周煥欽頤
郭洽椎顙承官晉輅孫秀衰駘他高柴劉伶齊孤
逐女又鵠鵠妻諸葛亮妻俱醜又支離隱願夏禹

長頸
云

肥人 說文肥多肉也腴腹下肥也家語弱土之人

肥安祿山稱三百五十斤司馬保八百斤孟業為

幽州督晉武帝稱之得千斤趙翁伯臍中納李七

載三馬不能勝拓拔猗也魁岸馬不能勝恒乘安車駕大牛牛角容一石

彊識畧二十二卷終

彊識畧

卷之二十二

主

陽春園

藏